

OLA

PULETINI A'OGA

e faasoa faamatalaga mo a'oga i le gagana Samoa

www.ola888.com

O lou tala faasala:
Tu'oti faailoaina

Laujatū:
Manuiasalilo

Sooga o le Tala: O LE PENINA. Faaauau pea fuafuaga a Lino i le penina

14 MATI 2016 ~ Lomiga 7 ~ Upega Tafailagi: www.ola888.com ~ Telefoni (09) 269-6186 ~ Tuatusi: saili.niupac@gmail.com; evaleon.books@gmail.com ~ E le faatauina ~ A Free Publication

Aga'i ina avea Aukilani ma se taulaga e le saogalemu mo fanau ma le mamalu lautele



O nisi o 'a'upega o taua ma sauaga na maua e leoleo i totonu o le lotoa a se kegi i Aukilani i Saute. E pei ona faaalua i le ata, e aofia ai ni fana faaonaponei o loo faaaoga e fitafita i tafa o taua.

Soo se taimi e ulufale ai leoleo i totonu o lotoa a kegi i Aukilani, e fa'aalia ai lo latou ofo i mea latou te mauaina.

I le ata i luga nisi o 'a'upega na maua e leoleo i se lotoa a se kegi i Aukilani i Saute i le vaiaso ua te'a.

Fa'aalia e leoleo o nisi o fana ua taofia nei e na'o fitafita e tatau ona umia i le na'o siomaga o taua. Ma saga lagolagoina ai la latou mau e tele 'a'upega faapea o loo taape solo ma umia faasolitulafono e nisi. E le tauilo le popolega, o ni faalavelave e ono tutupu ma aafia ai le mamalu lautele.


Na fesiligia foi e leoleo le auala o loo ofi mai ai nisi o nei 'a'upega i totonu o le atunuu.

E le'i mamao atu se faalavelave i Manurewa na tafana ai le taavale a leoleo i se tuatusi na asia.

O le mauaina o ni aupega faapea i totonu o nofoaga e alala ai le to'atele o se fafagu i le tulaga saogalemu o Niu Sila 'ai sauaga tafana e pei ona molimauina i Amerika ma isi atunuu.

O se faailoga fo'i lea o le faatupula'ia o le faafitauli i pauta ma vaila'au faasaina. I le naunau e puipei faiga faasolitulafono ua mafua ai ona fa'aauepegaina kegi i fana e puipeia ai.

Vasega o le vaiaso!



MASINA VAAIA I SUTTON PARK I MAGELE: I le ata i luga le Potu 17, sa latou su'esu'eina le tala i le Mago Alofa. Ma'eu tomai o nei tamaiti, e pei ona iloa atu i ata na o le mago i le tioata o lo latou potu. Ata i lalo ifo, le Potu 16, sa latou amia se faatonu o le OLA e faasino atu le faiga o le Paso Samoa ia i latou. Tatou vaai atu i le aufaipaso o le lumana'i.

*Ripoti o le Vaiaso:***Avea ma popolega le numera o faia'oga e molia**

Ua faaalua se lagona o le Fono a Faia'oga Niu Sila i le faatupula'ia o le numera o le afaigaluega e molia atu i luma o le fono, ona o soligatulafono e aafia ai le fanau.

O loo faasolo pea le lisi o moliaga ta'itasi, ma o le popolega e le na'o le fanau ma ni afaina, a o le igoa ta'uleleia o le faiva i le vaai a matua ma le atunuu. I le taimi nei ua avea faia'oga ma polo ta'alo a le au gaosi tala – talu ai le tula'i mai pea o fa'aaliga mai fanau ma matua aafia.

Fa'aalia se taofi o se tasi tina e faapea, talu le mea ua tupu i lana tama, ua na le toe faatuatuaina faia'oga e pei o le mea sa masani ai. Na ia fesiligia foi pe faamata o lava tapenaga a le Matagaluega e ala i a'oga e taofia ai le tula'i mai pea o nei faiga. I le mea na tupu i lana tama, e aga'i muamua lana tuua'iga i le a'oga i le faatamala.

'Ua leva ona tupu, ae faafefea ona le iloa e se tasi?' faameo le tina.

Ua ta'utino le Matagaluega e sa'o le faasea a matua, e le o lava auala o loo tali atu ai i lamatiaga faasaga i le fanau, aemaise lava i le itu lē ta'ua, e fa'aaoga ai ma le faaletatau fanau e tagata matutua.

Na ta'ua se tasi mafuaaga: o le auala o loo lipotia ai ni tulaga faapea. O nisi faiga ua 30 tausaga e lei toe iloiloa a o loo alu ai lava. O le mea o loo tupu, se'i iloga e ta'u atu e matua ona faato'a gaii lea o le a'oga ae i le taimi e tasi e noatia foi le a'oga i le vao mataupu e ono omia ai, e oo atu le mataupu i le Fono poo le matagaluega a ua telē le afaina.

O le tasi faafitauli, faapea mai le matagaluega, o le tulaga fesiita'i o faia'oga mai lea a'oga i le isi, ma faamolo'aua atu ai se mataupu. Talu ai le faaumiumi o le faatali mo nisi matua, e iu ai lava ina lafoa'iina. I le mataupu ia Burrett (ata i luga), e 30 tausaga o faasaolo i totonu o lotoa a'oga e aunoa ma se tasi e iloaina—pe iloa foi ae le tautala.

O le faameo a se tasi matua i luga o se leitio, na ia ta'ua ai suiga fou nei

FOLIGA O LE NA IA TOSO FAAMALOSI TEINE LAITI: Robert Burrett, na molia ma faamaonia ona moliaga i le fa'aaoga o teineiti a'oga, 12 le aofa'i, sa i lalo o lana vaaiga, i faiga e soli ai le va tapuia o fanau ma e matutua. Sa lipotia muamua lena i le OLA 4, 2016. E taufaasese foliga.



ua noatia ai tagata lelei e fa'aaoga o latou mafaufau tatau. "Fai mai le tulafono e taua le teuteu lumāfale (political correctness) ua taofia ai le musumusuga lelei i le mea e tatau ona fai," saunoa le tamā.

Ae na faaalua se taofi o se tasi pule a'oga e faapea, e le faigofie le galuega a se a'oga e fai i le tausiga o le va fealoa'i ma faia'oga, ae faapea foi fanau ma o latou matua.

"O le fea tonu e vase ai le laina i le aia a se a'oga i se mataupu faapea ma lena o matua e ilitata pe a su'esu'e a latou fanau e se pulega?" fesili le pule.

Ta'ua e nisi faasoa ua tatau ona suia vave tulafono.

Ua faatu mai e se tasi se Komesina na te taulimaina nei mataupu ma 'alofia ai le faatuatua o loo tula'i mai pea i le faiga o loo fai ai.

E tolu aso na fofogaina ai le mataupu i se ulugalii faia'oga na omia i se masaniga ma se teine a'oga. E ui e lei iai se faamaoniga o se solitulafono matuia, ae e lei fesoasoani lea ina ua pule le teine i lona ola. O loo tau saili pe iai se sootaga o le pule i le ola ma le masaniga ma le ulugalii faia'oga.

I le lua vaiaso ua mavae na molia ai ma faamaonia moliaga o se faia'oga i lona faamoe o se tama a'oga e 12 tausaga lona matua i le taimi na tupu ai. Ua faamavae nei ma le galuega.

A o le vaiaso talu ai na tu ai i luma o le faamasino i Whangarei se pule a'oga, na ta'utino lana agasala o le tu i le faamalama ma autilo i totonu o le potu o se teine faia'oga, i taimi ua momoe tagata.

OTOOTOGA**Faitioina i lafoga, 'ua le paleni'**

Ua tuua'iina ni tama tuai matutua o le Kolisi a Dilworth i le faailogatagata ina ua lipotia ni lafoga e faitioina ai le vaeveaga o pasene o fanau auai. Faapea mai i latou ua le paleni le vaeveaga, e faatatau lea i le faateleina o fanau ulufale e le o ni Papalagi. E tusa ma se 40 pasene o ni Pasefika, ae 20 pasene o Maori. E to'alu ni pulea'oga o loo aafia i lena mataupu. O le tasi o se tamaitai. Ua faate'a nei i latou mai le mafutaga seia se aso.

Sese le sui ave i le vasega fesoasoani

E tusa ma se \$36 tala i le lua vaiaso ua toesea mai totogi o nisi o le aufaigaluega fesoasoani, talu ai le faitauga o aso i totonu o vaitausaga e 11 ta'itasi. I le tausaga lena, e tatau ona 27 totogi e maua, mai le 26 masani, talu ai e pa'u tonu i ai le faitauga o le 11. Talu ai e le totogia i latou i taimi o tuuaga, o le ala lea ua vaevae tatau ai e nisi o latou totogi ina ia aofia ai ma na vaiaso foi e malolo ai mai le galuega.

Pe tatau ona faasa'oloto taimi o a'oga?

O loo tau faaofi i totonu o le palemene se pili e avanoa ai se filifiliga fou mo a'oga a le atunuu. O lea filifiliga o le a mafai ai e a'oga ta'itasi ona sui taimi e amata ma tuua ai a latou a'oga. Ua faailoa ni finagalo o pulega ma matua i le mataupu, o nisi e lagolagoina, o isi foi e tetee. E manatu le faipule o loo taulamua i le pili, o se faiga lelei lena mo itumalo taumamao ma taulaga. I le taimi nei o loo pule mai le Matagaluega i le taimi amata ma le taimi tuua.

Sauni A'oga a Aukilani Polyfest 2016

O le Aso Lulu o le vaiaso lena e amata ai le Tauaofiaga faaletausaga a kolisi a Aukilani i lana Polyfest masani. E fa aso o le faamoemoe, e amata i tauvaga tautalaga a le fanau ae faai i tauvaga pese ma siva. O lona 41 lena o tauaofiaga ma o loo matauina pea le faaopoopoina o fanau e auai, atoa foi lona lagolagoina e le taulaga. Ua avea le Polyfest ma se pine e amata ai le tausaga a'oga mo kolisi a Aukilani.

Faasoa o le Vaiaso:**tulaga o fanau i le va o kenera**

Afai o le a sau faitau i le faasoa o lenei vaiaso, e faamalulu atu, e le o ia i matou le poto faapitoa i lea foi vaega. Ae e le 'alofia ai lona taua o se mataupu e ao ona talatalanoa i ai, talu ai lona sootaga tonu ma se vaega o fanau a'oga i nei aso.

E lua kenera—tane, fafine. E lua fausaga na fai ai le tagata e le Atua e pei o le taofi masani. O nisi ataata i le vanu lena e le faigofie ona faamatala. I nisi aganuu i Initia e faailoa le maofa i se fausaga e ese mai, ma faaigoa i latou o le kenera lona tolu o le foafoaga. E tapuai'a pei ni atua ma amana'ia.

Peita'i i sosaiete i le itu lalolagi i sisifo, e faaese i latou mai le ata talia masani. Ua mafua ai ona iēina le faafafine, le faafatama, ma ta'utemoniina i latou.


E iai le moni i le le faigofie ona faamatala le tiga i se tama talavou e ola a'e i lagona ma uiga o le isi kenera, i se tino e ese mai. Faapena foi i le teine e amio pei se tama. E mafua ai le vao taofi soona fai (stereotypes) ma afaina ai lagona o i latou.

To'atele ua pule i ola ona o lea omiga i le va o lagona fetineia'i ma talitonuga faanuupo, ua mafua ai lea faaesega o i latou e ese mai.

Lenei ua telē se suiga, o loo gaoioi pea le malamalama o le Alii e ala i le Saienisi.

I nei aso ua iai le upu i le gagana Peretania 'transgender' e faamatala ai le va lea. Ua iai le 'intersex' e faamatala ai se tagata e ese lona fausaga ona e maua ai kolomosoma o kenera e lua. E tasi mai le 2000 pepe e fananau i Peretania i tausaga ta'itasi e faapea.

Ae e iai nisi fanau e lei tutupu a'e ma ni lagona fetotoa'i, ae na mafua le amio faatama pe aga faateine ona o le tausiga a o iti mai. E faaofu i ofu teine ma seevae teine, poo se teine e faaofu i ofu tama ma milo i le mea e tafafao ai tama; pe ola a'e fo'i se



Foliga i Lona Faatusa. Einstein i lona ata moni ma le isi i se Faatusa faaletagata

tama i se fanau na'o teine, ma faata'ita'i i ai. E le o so latou sese—a o le faafailelega.

Faato'ā aliali le faigata mo nisi ina ua ulufale i le potua'oga, le potu e vaevae ai le vasega i tama ma teine. O nisi e fiafia lava e milo ma teine, e ulufale foi i potu na na'o teine e tatau ona ulufale i ai. O se faafitauli mo a'oga i le saogalemu.

Lea ua fai i ai se fuafuaga a se a'oga mo le taimi muamua, ua latou saunia se potu e faapitoa mo latou na e tua i ai. E matua lagolagoina e le faasoa lea faiga. O se faailoaga taua lea ma le toa o le iai o i latou nei i le lalolagi, le tatau ona amana'ia o latou 'mamalu' o ni foafoaga faapitoa.

E leai se vave na te fai se lafoga pe a talanoa i lenei mataupu. Auā o le tele o mea tau le foafoaga e lei taitai ona oo i ai so tatou malamalama.

Ae tasi le mau e le siligia lona faatupumalosi mo latou, O le tagata na faia e foliga i Le na faia o ia (Kenese 1.27). Tane, fafine, faafafine ma nisi ta'u, o foliga uma na o le Atua.

E talanoa nisi e faatatau i le tane o se tamatane malosia, e foliga e faapea mai o tamatane uma e tatau ona pei o Inga Tuigamala i le tino lelei ma le aumalosi, ae e le faapena aga o le foafoaga a le Mataisau i le tulaga moni, e iai foi ma peva ma vasi ma e tinovavale i le vaai faaletagata; o le uiga le masu'esu'eina lena o le Atua i lana foafoaga e le matalatalaina i gagana a tagata.

“mafaufauga o le vaiaso”

E tusia le tala faasolo e le aumalo.

Winston Churchill, sa palemia i Peretania

Tulimanu a Dr Popa:**Viiga o le pusi, Afafine o Parata ma le faailogalanu e le uma**

E fiafia e toe faatalofa atu i le suafa pele o lo tatou Alii, Iesu Faaola.

Tele mea tutupu i lena vaiaso ua sola atu, i lo tatou vaifanua A'oga. Muamua, o viiga o le tulaga maua o Niu Sila i le faitau (literacy) i le lalolagi. Fai mai e sili tatou ia Osi ma Amelika ma isi. Ae a foi.

Ia, pe ta te fia 'ata ea pe a tata mai le si'usi'u o la matou pusi.

Faafetai pe afai e sa'o la'u uo i le Matagaluega. Fai mai ua faasolo ina puupuu. Faafetai i le poto o le minisita. Vaelua le si'usi'u, faaigoa le isi pito o le a'oga Siata. Lona uiga ua lua si'usi'u. Afai foi ae toe tipi ua atili ai ona puupuu. Fai mai le minisita e sili le faiga lea e vave ai ona le toe iai se si'usi'u.

Fai mai la la'u uo e le tele lava i luma nai miliona o le a faaalu ai i le isi tipiga. Ia, tatou le aufai konekalate, e lelei le sauniuni auā e le iloa le taimi ma le ituaso e asiasi mai ai le Afafine o Parata e tufa mai ponesi o si'usi'u.

Pei lava e faasalalau tauofoga i le leitio Samoa, a leai, ki i le Radio Mars. A siliga, vili loa le 111.

O afea e ave ese ai le agaga faaese? Ma to ese le faailogalanu mai le fatu ae nonofo faatasi le fanau a tagata pei se aiga se tasi? E faasino lea i lafoga a ni pulea'oga e faitioina ai le faumalo a fanau lanu eena Pasefika i totonu o le a'oga a Dilworth. E malie tele pe a manatu e to'alua o ni pulea'oga. O lona uiga ea o loo fai lava faapea le galuega?

Fai si ese mai o le mataupu o le Faasoa i lenei vaiaso. Ou te faamalo i le a'oga lea ua ta'imua. Ua uma aso o le le malamalama. E manatua Tuuu Anasii Leota ma ana lafoga na le fiafia ai se sui tama'ita'i o lana pati, ia ma le mau lafoga so'ona fai e atagia tonu ai le atamai o nisi faipule. Sa'o le pese a Elevisi, e tamomo'e vale i le mea e le fia o i ai e popoto.

Ia, lea ua le toe tu mai Tuuu, o le a aoga le avanoa mo se faipule fou e lava le tuutuu mamao. (faaauau itulau e 8)

Manuiasalilo



Lauifatu a Samoa

Na ta le malologa ae faapea mai si a'u uo o Lagi, "Ta o i le fono a le Kulupu Samoa la e fai i le potu o Se'epapa."

"O le a lena fono?" o la'u fesili lea ou te le iloa se mea e tasi. (Faato'ā lua o'u vaiaso i le a'oga, e le'i pepē pa'u o le vaalele na ou sau ai i Niu Sila mai Hamo.

"Se le fono a le Kulupu Samoa o le tauvaga a a'oga i Aukilani! E te le'i faalogo i le Polyfest?"

"Ia, o ai na iloa na mea!" o la'u tali faatosotoso lea i le gagana leaga.

"Ta o, e te iloa lava pe a ta o i ai!" o le tauanau mai lea a la'u uo.

E le'i toe iai lava ma se isi a'u tala. O Lagi o la'u uo a'oga muamua i Niu Sila, e tatau ona ou faalogo i la'u uo ne'i le fiafia ia te a'u.

Ma te taunuu atu ua tumu le potu o le tamaitai faia'oga o Se'epapa. O le faia'oga o Seepapa o ia lea o loo faamaopoopoina le kulupu Samoa mo tapenaga o le Polyfest a le matou a'oga.

Ou te faalogo ua leva tele ona faia'oga le fafine i le a'oga, e fefefe uma ai tamaiti i le fafine auā e le gata o le maualuga ma le lapo'ā, ae ese le paū o le leo o le tagata. (Mulimuli ane na ma faaigoaina ma Lagi ia Godmama, ae o le isi lena tala).

Na uma faafuase'i le pisa ina ua tu i luga le faia'oga. "Aua ne'i toe tautala se isi, pe faaali mai ni tainifo," o le upu lea a le fafine e leai ma se fia 'ata o le tagata, ua toe tu mai i lo'u mafaufau le isi faia'oga i Samoa na maua ai si a'u mea mamā ina ua ou 'ata'ata a o loo tautala. Na vave ona folo i totonu o'u laugutu.

"Mea muamua, o tulafono. Tulafono muamua, e tasi lava le leo e lagona, na o le leo o le faia'oga. Tulafono e lua, a tofi atu oe e fai se mea, fai, tusa pe e te le iloa. E sa le faateteine ma le faamanaia."

"O lea ua iai la tatou fuataimi o le pese, iai le taupou, ae mana'omia se tatou faaluma o le sāsā . . ."

E le i toe iai se isi e pisa a o tu le fafine ma autilo solo i foliga o tama ma teine i totonu o le potu. Na avea lo'u migoi ma mafua'aga na taula'i mai ai le vaai a le faia'oga ia te a'u. Ua vave le oso mai o lo'u pula.

"Se'i tu i luga le tama lelā," ma tusi mai lona tamatama'ilima. "O ai fo'i le igoa o ta'ua?"

"Lau susuga o lo'u igoa o Fala."

"Oi, o oe lea na sau mai Samoa?"

Na lue lo'u ulu ae talie le Kulupu.

"Lelei, Fala. Ou te le i vaai i sau siva, ae ua lava la'u vaai i le taimi lava lenei e fai ai la'u filifiliga. O oe o le a fai ma tatou faia'oga-faaluma o le tatou sāsā. Ia patipati mai mo le tatou faia'oga," o le tala lea a le fafine a o patipati magamagagu le Kulupu.

Na ou nofo ifo i lalo ae aapa mai le lima o

la'u uo o Lagi ma popo lo'u tua.

"Malo bro, ou te iloa lava e te mafaia!"

"Ia, faalogo lelei," o le faia'oga lea. "Taeao amata tatou a'oga mea. E misi loa lau sau ona 'aia lea e te toe sau." Na fa'auau pea le tautalaga a le faia'oga a o a'u ua oso a'e lo'u afu malulu. Ou te le'i siva faatasi i se ausiva i Samoa, pe na ou faia se faleaitu e pei o Sumeo ma Petelo.

Ai lava faapea tamaiti o le kulupu ou te sau mai Samoa ona ou poto ai lea i soo se mea faa-Samoa. Ae leai.

"Aua e te popole," o le upu lea a la'u uo o Lagi pe a ma talanoa. Ua iloa mai e Lagi lo'u le to'a.

"E iai a'u video la e i le fale e te matamata ai, ma faata'ita'i ai, "o le faamalosi'au mai lea a si a'u uo. O Lagi o la matou fuataimi, sa fanau o ia i Aukilani.

O le mea lea na fai loa. Ma te o ma Lagi i lo latou fale e lata ane pe a ta le malologa, e ki le video ae ma matamata.

"O a ea lua mea e matamata?" o le fesili lea a le tina o Lagi.

"Se, o lea e faamatamata si a'u uo i le faiga o taga a le faaluma, leaga o ia lea e faaluma i la matou sāsā," o Lagi lea.

"E le tatau i lena faia'oga ona tofi faamalosi se isi pe a le iloa e le tagata fai se mea," o le faaseā lea a le tina o Lagi.

"E te le faia le tala lena ia Godmama!" o le tali lea a Lagi ma mā taliē.

Na vave ona alu tala o le tama mai Samoa e faaluma i le sāsā. E le'i atoa se vaiaso a ua iloa uma e o matou aiga i Aukilani.

Na vili lo'u aunty i o'u matua i Samoa e ta'u i ai le tala ae taliē mai lo matou aiga. E ofo i le mafai ona ou tu i luga e ta'ita'i se siva. "Alu i ai, e le oti ai se isi," o a latou tala faaulaula na.

Peita'i na avea lo'u matamata pea i video a la'u uo ma mafua'aga ua maua ai lo'u lototele. Na toe tutu mai i lo'u mafaufau mea na ou vaai i ai i lo'u aiga. Na ou vaai i lo'u tamāmatua o siva i se taalolo sa fai i lo matou nuu. Ou te vaai soo i lo'u tinamatua, e fai fai lava ni ana galuega te'i lava ua siva ma tapō solo pola o le matou falelau sa iai.

E peisea'i ua toe fafagu mai e nei ata se taleni lilo o loo feta'amiloa'i i totonu o lo'u toto. E aulia ane le lima vaiaso o la matou tapenaga ua okay paleni lava taumafaiga a si tamaitiiti mai Manono.

I le Aso Toona'i o la matou faafiafiaga na ou lagona ai se malosia uiga ese ua pulea lo'u tino. Na fe'ei malomaloa le 'aumaimoa ae ou fuli e sae le mata o le aitu. Ou te le'i sili ae na pele a'u i le vaai a la'u vasega, ia, ma la matou taupou o Lea.

Ou te faafetai ai i le fafine o Se'epapa, o ia na tuu maia le lu'i, ma ou talia, lea ua ou iloa ai la'u taleni sa lilo, ua ta'u ai le igoa o si o'u tamā faatauvaa, ae sili ai, na ma fetau ai ma si o'u to'alua o Lea, a faaumi, o Lea-ua-aliali-mai-manuia-sa-lilo. O ia lea sa i le matou Kulupu.

Ua to'afa la ma fanau, e leai ma se tasi e le'i siva i le Polyfest. O Manuiasalilo la ma ulumatua, sa sili i le taupou i lona taimi i le kulupu, ua faigaluega nei i luga o vaalele. O tama e to'alua ma le isi teine o siamupini faaluma i a'oga sa a'o'oga ai. E sosoo fo'i i ai a latou fanau.

Fai mai si o'u to'alua, o manuia nei sa lilo a ua faaalia e ala i le Polyfest.

"Leai," o a'u lea. "O taleni sa natia a o lea ua fua mai i faamanuiaga."

Tusia e M.V. Taulaga
Manurewa

ATA: AUSIVA E TO'ALIMA



Se tasi o ata lausilafia e le lalolagi o faafiafiaga faa-Samoa. Na tusia e le tusiata lauiloa Amerika o John La Farge, na asia Samoa i le 1890. Molimau le tusiata e mai le afio'aga o Vaiala le aufaafiafia, e to'alua tamaiti ma alii e to'atolu. Ia, ma le teine e igoa ia Taele lala e tagi mai i le itu taumatau o le ata, 'ai ua le tofia e siva. Ma'eu le le to'e'e o le tusiata i le tusi ai ma lona ata.



Sponsored by Evaleon Books

O LOU TALA SAMOA HISTORY

"Ne'i mea aue ua galo"



"O tu'ioti iloga i le tala faasolo"

I le taaloga o le faipele, o le tu'ioti o le tu'i e lei itea pe tauiloina. E te'i a'e le na afaina ua ta le logo ua uma le taaloga. E taumate pe na faape'i ona tupu. E faapena foi i le tulaga o le pule a malosiaga faanatura e iai le matagi, sunami, mafui'e ma lologa. Tatou te le talanoa ma nei malosiaga ae faafuase'i lava le oo mai ma latou faaoo se leaga ia i tatou i soo se taimi, ma suia mea uma i lena lava taimi e tau i le iuga.

Ina ua sasau le tu'ioti a le afā i le loto mimita ma le faamaualuga o malo e tolu, na tu'i lava i le mea e malolo ai. O se taofi lea e autasi ai ni nusipepa iloga a Europa i lea taimi, i le afā tele i Samoa ma le uiga o lona tula'i mai. E to'atele foi Samoa e manatu o se mea faaleagaga lena e foliga sa iai le aao a'oa'i o le Atua.

E 10 tausaga mulimuli ane ae toe tu'i le taulaga e manua o Amerika ma Peretania. Na faapea o le tu'i e uma ai, ae aumai le faaiuga a le laufali e fau le tu'i. O le iuga e leai se itu e malo, vaelua tutusa vete o le taua: Sasa'e ia Amerika a o Sisifo ia Siamani.

O nisi o tu'ioti lauiloa e maua lea i le taaloga e faasino tonu i ai le upu. Ia Mati i le 1996 na taofia ai le fusuaga i le va o David Tua ma John Ruiz i le taamilosaga 1 ina ua pa'ū i lalo Ruiz ma le toe tu i luga. Na o se 20 sekone le umi o le fusuaga. Tausaga e sosoo ai, 1997, ae faatu e se isi foi alii fusu Samoa se faamau fou. Na o le 1.5 sekone le umi o le fusuaga i le va o Jimmy Thunder ma Crawford Grimsley, ina ua molia le tu'ioti ma taofia ai le taaloga. Tu'ioti lata mai o lena i le tasi ituaiga o fusuaga—tausiliga a pati mo se malo e ta'ita'ia le atunuu. Iuga, malo le HRPP. Finau mai le Tautua e fau le tu'i. Ae e lagolago e le aumaimoa le siamupini.

13-19 MATI

14

2005 Tatala ulua'i iunite faamamā toto i Samoa

1967 Aso Lua. Tauaofia paea'iga lona tolu. Palemia Mata'afa, Fofoga Fetalai Magele Ate

1964 Avea Tuna Scanlan ma siamupini paga ogatotonu Emepaea a Peretania

1942 Api malini Amerika i Leifiifi, Malifa, Malae Tutuu, Papauta, Avele, Malua, Faleula, Piula

15

1996 Malo David Tua i le fusi WBC ia John Ruiz, tu'ioti taamilosaga 1

1899 Tu'i Apia e manua o Amerika ma Peretania

1889 Osofa'i Samoa e se afa tele, gogoto ai vaatau Siamani ma Amerika e 6, 155 feoti

16

1923 Sui Risatisone e Tate

18

1997 Malo Jimmy Thunder i lana fusuaga aupito puupuu, 1.5 sekone

19

1999 Tuua le malo e Tofilau Eti Alesana

1998 Tauto Tuilaepa avea ma palemia lona 6

1985 Toe tofia Tofilau Eti tofi palemia

1973 Toe tofia Fiamē Mataafa tofi palemia

MATI I LE TALA FAASOLO O NIU SILA

13 Mati 1956. Faitau le uluai malo o Niu Sila i le kilikiti, ina ua malolo ai West Indies i Eden Park; talu faia'ina sosoo e 22 ma tutusa e 22 i taaloga faavaomalo e 26.

19 Mati 1839. Taunuu Mary Bumby i Hokianga ma ni faamoega lagomeli se lua na aumai i Sini; afua mai ai le fe'au o lona faafailelega faapisinisi.

NIUPAC PUBLICATION

Email: evaleon.books@gmail.com
Phone: (09) 269-6186
Postal: PO Box 43122
Mangere Town Centre, AUK 2153

All rights reserved. This bulletin and its content is protected by copyright laws of New Zealand and international conventions. Except for educational purposes, any other activity pertaining to its use is prohibited. OLA understands the rights of other copyright holders whose material we use and acknowledge always—apart from our own.

NIUPAC 2011

Editors:

Levi Tavita ~ ltavita8@gmail.com
Muliagatele V. Fetui ~ v.fetui@auckland.ac.nz
Saili Aukuso ~ saili.niupac@gmail.com

EVALEON BOOKS & NIUPAC PUBLISHING



Telefoni (09) 269-6186. Emeli: evaleon.books@gmail.com


Tautua e ala i le gaosia o alaga'oa mo a'oga (tusi mo le a'oa'oina o le faitau i le gagana Samoa, tusi e a'oa'o ai gagana, kalena, posters, yearbooks, brochures). E tautua fo'i i le fa'aliliuga o gagana, ma le tapenaina o ni tusi e fia lomia i so'o se sionara o fatuga.

Sponsors:

New Zealand
Lottery Commission

Evaleon Books &
Niupac Publishing

Wheeler's Books
(NZ)



O LE PENINA

Vaega 3:
O MEA E ILOA
ATU I LE ATA
O LE PENINA



I le penina na îa îloa âtu âi pe fa'ape'i â latou teuga - Susana i se ūfiūlu fou ma se sakete fou, ma i lalo îfo o le sakete ni se'evae. Na te îloa lelei âtu le âta i le emo a le penina. A o îa ua fai ôna ofu papa'e, ua fai sona pulou fou—e lē o se pulou lauvao a o le pa'u mao'i - ua fai fo'i ni ôna se'evae—e lē ni seevae tui a o nā e fai nonoa. A o Penetito—o îa le auga o aute—e fai lona suti lanumoana pei se seila, e aumai i Meleke, ma se tama'i pulou tafao na va'ai i âi Lino i se mea. O nei mea uma na îa îloa âtu i le penina fe'ilafi, ona fa'apea âtu lea, 'E fia fa'atau ni ô matou lavalava fou.'

Ua masi'i â'e i luga le pese a le penina fa'apei o se fetaliga a pu o se fa'ailli.

Ona ô'o lea o le fa'asologa i mea laiti o lo'o mana'o i âi Lino: o sana tao e sui âi lana na leiloa, o se tao u'amea fou lava e îai sona mama i le pito o le au; ma i lea lava taimi na îa îloa âtu âi i le âta o le penina se mea e ôno mafai—o se fana—aisea e lē mafai âi, o lea ua maua le manuia? Na ia îloa âtu nei o îa o lo'o tu ma 'u'u le Uinisetā. O se miti lenei o le âo ae malie tele. Na gaoioi lemu ôna laugutu i lenei—'Se pulusila,' o lana tala lea. 'Atonu o se pulusila.'

O le pulusila na talepea tuā'oi o mana'o. O se mea e lē âusia lenei, ma afai e mana'o i se pulusila o lona ūiga ua sa'oloto e la'asia îsi tafa'ilagi. Auā ua îloa lava e lē fa'amalieina le tagata, e avatu i âi se mea se tasi ae toe mana'o fo'i i nisi mea. Atonu o se va'ai maulalo lea ae peita'i o se mea e lē natia, tasi lea taleni âupito sili a le

îtu'āiga, ma lena e iloga âi lona tulaga tu ese mai îsi îtu'āiga e oole gofie.


Ua filemu le fale atoa, ua feluea'i ô latou ūlu. Na lagona âtu le musumusu a se tamaloa i le pito i tua, 'Se pulusila? O le a fai sana pulusila?'

Peita'i le pese a le penina na tatagi lona manumalo i totonu o Lino. Na tepa â'e i luga Susana ma ôna mata ua mātālatala ona o le toa o Lino i ôna mafaufauga. E pei se malosi o se eletise ua ūluitinoina o îa, lenei ua la'asia tuā'oi sa le'i masani âi. I le penina ua îa îloa âtu âi Penetito o lo'o saofa'i i se tama'i laulau i le â'oga. E fai lona peleue, se kola pa'epa'e ma se fusiua lautele silika. O lo'o tusitusi i luga o se laupepa telē lava.

Na pulato'a Lino i ôna tuā'oi ma fai âtu, 'O le a âlu lo'u âtalii i le â'oga.' Na gūgū le afa'alologologo, a o Susana ua taula'i lana va'ai, ua fa'asaga tonu ôna mata iā Penetito o lo'o afisi i ôna lima, ma mafaufau pe moni nei mea uma.

Peita'i ua tumu foliga o Lino i valo'aga. 'O le a mafai e lo'u atalii ona faitau ma tatala ni tusi, o le a mafai e îa ona tusitusi ma îloa tusitusiga. O le a mafai e lo'u âtalii ona fai numera, o mea na e fa'asa'olotoina matou auā o le a iloa e îa ma matou îloa âi fo'i.' Ma i le penina na îloa âtu âi e Lino i la'ua ma Susana i autafa o le âfi ma Penetito o lo'o ia faitauina se tusi telē lava. 'O mea na e mafai ona fai e le penina,' o lana upu lea.

O se taimi muamua lea ua îa fa'aaogā âi ni upu se tele i lona ôlaga. Ua fa'afuase'i âi ona ôso â'e le fefe i âna tala na fai. Na mapuni lona lima



i luga o le penina ma mou ese âi le malamalama. Ua fefe Lino e pei lava o se tasi e fefe i le lafo o le upu, 'O le a ou,' ae le îloa le taunu'uga.

Lenei ua îloa e tuā'oi ua latou moli-mauina se mea ūiga ese. Ua latou îloa le tāua o lenei lava minute mo se taimi umi. Afai e tutupu uma nei folafolaga, o latou nei sa tilotilo ma molimau. O îa se âli'i ua fa'aeaina. Ua ave i âi se mana, ua vavala mai se tagata maoa'e, e âfua âtu i lenei lava taimi.

Afai fo'i e lē tau lau o fuafuaga a Lino, o i latou lava nei e fa'apea, 'Lenā le ua fua mai tala a le vale. Talosia ia fa'amamao e le Atua se mea fa'apea ma i tatou. Ioe, ua fa'asala e le Atua Lino i lona solitū i tu e masani âi. Lena ua tou tilotilo âtu i âi. O matou lava na molimau i lenā minute na sola âi lona mafaufau.'

Na tepa îfo Lino ma mata'i ôna lima ma ponamoto ua pa'upa'ua talu lona motoina o le faitoto'a ū'amea.

Ua lata mai le po. Na ta'ai e Susana le tino o le pepe i lona ūfiūlu lea ua taupe i luga â'e o ôna suilapalapa, ona savali lea i le ta'igaafi ua eli â'e i luga se malala mai le lefulefu, ua îa nuti ni malamala i luga ma tapili loa e fa'aōla. Na siva le tama'i âfi i foliga o tuā'oi. Ua tataua ona fo'i i ô latou fale e aai, peita'i ua le fia tu'umuli.

Ua ôla le âfi a Susana ma lafoia âtaâta i puipui o le fale lau ae amata le femusua'iga i le va o tuā'oi: 'Ua sau Patele—ua sau le failotu.' Ona ūfiūfi lea o ūlu o tamaloloa ma sōsō ese ma le faitoto'a, a o fafine ua pupuni ô latou mata i ūfiūlu ma punonou. Na tutū i luga Lino ma lona ūso o loane Toma. Ua savali mai le failotu i totonu—lauūlu sinasina, fa'atagatamatua i lona pa'u ma'anumi ae manino ma masau lana pupula. O fanau i latou uma nei iā te îa, na te faia fo'i i latou e pei o sana fanau.

'Lino,' o lana upu lea i se leo malu, 'ua fa'aigoa oe i le îgoa o se tasi Tamā ta'uta'ua o le Ekalesia.' E foliga i se fa'amanuiaga e fa'ai'u ai se sauniga **Faaauau i le itulau mulimuli (8)**

UILI FAU UPU


Saili tali o fesili o lo'o i lalo. Pule oe pe sipela i luma (clockwise) po'o tua (anticlockwise).

E sa le feosoosofa'i.

1. Ta'u mai ni soa se tolu o le *afua* i le Igilisi:

2. Saili ni upu se 5 e amata i le *fuai*

3. Su'e le *laei'au*; tusi sona faamatalaga:



4. Tusi uma upu/ fuiuupu e ta'i 4-8 mata'itusi, ma o latou soa i le Igilisi (E faitau ai ma upu ta'ua i le 1, 2 & 3)

Lelei atoa = 12 upu
Lelei tele = 8 upu
Lelei = 6 upu

SUDOKU #6 (TAALOGA I NUMERA)

8	3			2	9			
	9		7					6
4				1		2		
	4	8			2		1	9
		9				4		
1	2		9			3	5	
		4		6				7
	5				1		2	
			3	5			4	1

Fa'atumu pusa numerata (tama'i sikuea) i fuainumera 1 i le 9. Ia uma ane le galuega ua maua atulaina ta'itasi (tu, fa'alava) o iai le 1 i le 9. E tofu le atulaina ma lona fa'atulagaga e ese mai le isi.

FAIGOFIE / FEOLOOLO / FAIGATA

©sudokuessentials

TALI GALUEGA OLA 06

UILI FAU'UPU #06

1. mata—eye; mata—raw; mata—blade or sharp point
 2. lama—lamaga, lamatia; lamaina, lamā, lamalama, lamatiaga
 3. tamala. nauna. Igoa o se i'a taatele e le sili a'e i se 1 futu lona tele. I isi ona laasaga e ta'u o le tagau, ma le 'a'a. Na o le tolu tamala le faiva o le toea'ina, lele ua fa'asua.

4. tama—boy; lala—branch; alala—firewood; malala—charcoal; matala—opened; matala—clear; lalata—tame lata—close to; tamala usu. with le alo (le alo tamala) - not taking for granted.

TALI SUDOKU #06

5	7	8	1	2	4	9	6	3
2	1	9	8	6	3	7	4	5
4	3	6	9	5	7	8	2	1
1	2	3	5	7	8	6	9	4
6	8	4	2	1	9	3	5	7
7	9	5	4	3	6	1	8	2
3	4	2	6	9	1	5	7	8
8	6	7	3	4	5	2	1	9
9	5	1	7	8	2	4	3	6

Su'esu'ega:

F1. E fia aso o se Tausaga Oso? A. 369 E. 366 I. 365 O. 396
 F2. O a masina sosoo e ta'i 31 o la aso? A. Aperila-Me E. Fepuari-Mati I. Iulai-Aukuso
 F3. O a ni masina o le tausaga e faaigoa i goa o ni emeperoa a Roma? Faamatala T1. E 366
 T2. Iulai ma Aukuso, e ta'i 31 o la aso
 T3. Iulai, ia Iulio Kaisara; Aukuso, ia Kaisara Aukuso


TALI PASO #06

F	A	S	I	A	M	A	U	G	A
O	I	L	I	O	T	G			
N	A	N	A	I	L	A	U	G	A
O	A	P	A	I	A	S			
T	U	L	I	A	M	A	L	O	A
I	E	P	I	A	I	L			
A	K	I	R	A	U	A	I	N	A
A	E	A	O	A					
T	I	N	I	L	A	U	I	O	
N	N	I	S	L					
F	O	L	A	U	M	A	F	A	I

© PasoSamoa, 1988

PASO I GAGANA E LUA

Faatumu le paso i upu/igoa o le gagana Samoa. Fill crossword with Samoan words.



Faalava~Across

- 1 wield cricket bat (5)
- 4 be active (5)
- 7 Lion sign (3)
- 8 by ruled (5)
- 9 blow air into (5)
- 10 stingray (3)
- 11 include (5)
- 12 scared heights (5)
- 13 stage (3)
- 14 be wakeful until daylight (5)
- 17 Blues coach (5)
- 21 Super: Malakai Who? (7)
- 22 fill car w. petrol (3)
- 24 call to begin (3,2)
- 25 Super: Adrian (2)

Who (5)

Lalo~Down

- 1 Super: Lima Who? (7)
- 2 Savaii island aka (7)
- 3 a type of necklace, worn by Samoan men (7)
- 4 a former Samoa PM (7)
- 5 centipede (7)
- 6 beginning (7)
- 15 from Greek omega, meaning last (5)
- 16 knife (5)
- 18 for (2)
- 19 a tree in Samoa of red & yellow bloom (5)
- 20 axe (3)
- 23 polite term for canoe (2)

Su'esu'ega: Saili le tali sa'o o le fesili.

- F1. O le a le tausaga na amata ai le Polyfest?
- F2. O ai le kolisi na malo i le tauvaga 2015 mo teine ma tama?
- F3. O le a le igoa o le nofoaga o le tauvaga 2016?
- F4. O a ni tulafono taua se lua mo le saogalemu i taimi o le tauaofiaga?

POLE MA PAPA






PASI ATU LA TATOU PULETINI I LE TOU A'OGA, AIGA, LOU TUAOI, AU UO, OU AIGA I SAMOA MA NUU MAMAO;



E AOGĀ MO LE FANAU A'OGA



Fanau i le aso 3 o Mati, 1847, i Sikotilani, o Alexander Graham Bell, ua lausilafia e le lalolagi o le alii na mafua ai ona talanoa tagata i le telefoni. O ia o se saienitisi, o se faimea fou, o se faia'oga, se enisinia ma se faipisinisi. O lana sailiga i se auala e mafai ai ona fesoota'i tagata logonoa na mafua ai ona maua le telefoni. I le aso 10 o Mati 1876 na faamau ai ulua'i upu manino e faia i luga o se telefoni i le va o ni tagata se to'alu, ina ua fai atu Bell, "Lau Susuga Uatisone, sau, ou te fia vaai atu ia te oe." Na lagona mai e le tali telefoni. Lenei ua faitau piona telefoni fale ma na e feavea'i ae na amata mai i le sogasoga o le alii Sikotilani.

ATI A'E UPU

tausiva. Vasega: soanauna. E masani ona fa'aaoga i le fuiupu, 'e tausiva le pese' po o se 'pese e tausiva.' O lona uiga o se pese e fetai lona fati ma lona malie ma le ituaiga siva e faatino ai. Isi upu e fetala'i: fetai, malie, onomea.

Faaauau:

dr popa . . .



O a'u le isi o loo mulimuli i la tatou tala faasolo, o le Penina. Ua faasolo miti a Lino poo a ni mea o le a faatau mo lona aiga i le penina tautele ua maua. E faapea foi faipule fou a Samoa ua sauni e ulufale i le Maota, pe mata e minisita, pe maua se taavale fou e ti'eti'e ai i le afiafi ma lona aiga. E faapena le olaga, e tutupu miti pe a maua tupe ma sapi i malo. O latou na e sili ona suamalie miti. Mo tatou matitiva, o iai le Polyfest a Aukilani i lenei vaiaso tatou te miti ai.

o le penina . . .

lotu le ūiga o lona si'uleo. "O lou ūiga e fa'alaitaina āi le fanua toafa ma avatua le suamalie i mafaufau o ōu tagata. Afai e te le'i silafia, o lo'o i totonu o fa'amau a tusi.'

Na tepa ifo Lino i le ūlu o lona atalii, lele e taupe i luga o vae o Susana. E ūai le āso e ūloa āi e le tama mea nā o lo'o fa'amau i tusi ma mea e lē o fa'amau-ina. Ua ālu ese le musika mai lona ūlu, ae toe āi na'o le pese o le taeāo, o le musika a lē o lo'o leaga, o le pese a le fili, e tau lē lagona lelei ātu. Ua fa'asolo lana tilotilo i ōna tuā'oi po'o āi na ūa aumaia i totonu lenei pese.

Ua fa'aauāu le lauga a le failotu. 'Ua ō'o mai le tala ia te ā'u e fa'apea ua e maua se fa'amanuiaga maoa'e, o se penina tautele.'

Na tatala e Lino lona lima ma fa'alala ātu, na uisa lemu le failotu i le lapo'a ma le aulelei o le penina. Ona fa'apea ātu lea, 'Lo'u ātali'i e, talosia o le a e manatua e avatu le fa'afetai iā te ūa na avatua iā te oe lenei oloa, ma e tatalo fo'i mo lana ta'ita'iga i le lumana'i.'

Na luelue le ūlu o Lino, a o Susana na tali lemu ātu, 'O le a ma faia lava e pei ona e saunoaina, Tamā e. O le a ma fa'aipoipo. O lea ua fai ātu Lino.' Ua fetēpa'i ma tuā'oi e molimau i lana upu, ua lue mai ō latou ūlu.

'Ua ou fiafia e fa'alogo ātu o se mea lelei lenei ua e mafaufau muamua i āi,' o le failotu lea. 'Fa'amanuia le Atua ia te oulue, si ā'u fanau e.' (E faaauau)